



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿ ԵՆԹԱԿԱՌՈՒՑՎԱԾՔՆԵՐԻ ԵՎ
ԲՆԱԿԱՆ ՊԱՇԱՐՆԵՐԻ
ՆԱԽԱՐԱՐԻ

ՀՐԱՄԱՆԸ

«17» հունվարի 2017 թվականի № 91-Ն

ՕԳՏԱԿԱՐ ՀԱՆԱԾՈՅԻ ԱՐԴՅՈՒՆԱՀԱՆՄԱՆ ԻՐԱՎՈՒՆՔԻ ՏՐԱՄԱԴՐՄԱՆ
ՄԱՍԻՆ

Ղեկավարվելով Հայաստանի Հանրապետության ընդերքի մասին օրենսգրքի 51-րդ հոդվածի, 54-րդ հոդվածի, 55-րդ հոդվածի 1-ին մասի պահանջներով, հիմք ընդունելով հանքավայրի շահագործման նախագծի 2017 թվականի հունիսի 27-ի «Շրջակա միջավայրի վրա ազդեցության փորձաքննության» թիվ ԲՓ 59 և 2017 թվականի մայիսի 12-ի «Արտադրական վտանգավոր օբյեկտի նախագծային փաստաթղթերի տեխնիկական անվտանգության» թիվ 1008 փորձաքննությունների դրական եզրակացությունները, հաշվի առնելով «Հանրապետական երկրաբանական ֆոնդ» ՊՈԱԿ-ի 2017 թվականի ապրիլի 12-ի թիվ Ֆ-103/14 գրությունը, «Բնաքար տուֆ» ՍՊ ընկերության 2017 թվականի մայիսի 27-ի թիվ 11 գրությունը և Ընդերքի գործակալության պետի զեկուցագիրը՝

ՀՐԱՄԱՅՈՒՄ ԵՄ

1. «Բնաքար տուֆ» ՍՊ ընկերությանը 50 տարի ժամկետով տրամադրել օգտակար հանածոյի արդյունահանման թիվ ՇԱԹ-29/562 թույլտվությունը՝ Հայաստանի Հանրապետության Շիրակի մարզի Արթիկի տուֆի հանքավայրի արևելյան 1-ին տեղամասը՝ 1.X=4498043 Y=8414408, 2.X=4498179 Y=8414318, 3.X=4498442 Y=8414107, 4.X=4498558 Y=8414258, 5.X=4498164 Y=8414563, 2-րդ տեղամասը՝ 1.X=4497715 Y=8413972, 2.X=4497910 Y=8413890, 3.X=4497965 Y=8413960, 4.X=4497810 Y=8414092 (տրված են WGS-84 (ՎԻ ՋԻ ԷՍ-84) (ARMREF 02) ազգային գեոդեզիական կոորդինատային համակարգով) կոորդինատներով եզրագծված տարածքում արդյունահանում կատարելու համար, հատկացնելով՝ 1086240մ³ տուֆի մարվող պաշար և լեռնահատկացման թիվ L-562 լեռնահատկացման ակտը՝ 1.X=4497714 Y=8413972 H=1920 (h=0), 2.X=4498164 Y=8414565 H=1924 (h=-15,4), 3.X=4498560 Y=8414258, H=1882 (h=-7), 4.X=4498437 Y=8414100, H=1881 (h=-6), 5.X=4498150 Y=8414320, H=1914 (h=0) 6.X=4497936 Y=8414044 H=1907 (h=0), 7.X=4497936 Y=8413985 H=1910 (h=-13), 8.X=4497966 Y=8413960, H=1905 (h=-10), 9.X=4497910

Y=8413886, H=1905 (h=0), (տրված են WGS-84 (ՎԻ ՋԻ EՍ-84) (ARMREF 02) ազգային գեոդեզիական կոորդինատային համակարգով) կոորդինատներով եզրագծված 17.9 հա տարածքով:

2. Հանքի տարեկան արտադրողականությունը սահմանել՝ 21000 մ³ (բացահանք 1-16700 մ³, բացահանք 2 – 4300 մ³) տուֆի պաշար:

3. Ընդերքի գործակալության պետին՝

1) պատրաստել սույն հրամանի 1-ին կետում նշված՝ Հայաստանի Հանրապետության Շիրակի մարզի Արթիկի տուֆի հանքավայրի արևելյան տեղամասի՝ օգտակար հանածոյի արդյունահանման նպատակով ընդերքօգտագործման թիվ Պ-562 պայմանագիրը (այսուհետ՝ պայմանագիր), ծանուցել դիմումատուին և հրավիրել վերջինիս 10-օրյա ժամկետում պայմանագիրն իր կողմից վավերացնելու մասին.

2) ընկերության կողմից պայմանագիրը վավերացվելուց հետո 10 օրվա ընթացքում, ընդերքօգտագործման իրավունքի տրամադրման պետական տուրքի վճարման անդորրագրի ներկայացումից անմիջապես հետո, ընկերությանը տրամադրել օգտակար հանածոների արդյունահանման իրավունքը հավաստող փաստաթղթերի փաթեթը.

3) ծանուցել ընկերությանը, որ սահմանված ժամկետներում պայմանագիրն իր կողմից չվավերացնելու և ընդերքօգտագործման իրավունքի փաթեթը չստանալու դեպքում, արդյունահանման իրավունք հայցելու դիմումը բավարարելու վերաբերյալ սույն հրամանը կճանաչվի ուժը կորցրած.

4) ապահովել համապատասխան գրառումների կատարումը օգտակար հանածոների արդյունահանման իրավունքի հաշվառման գրանցամատյանում:

4. «Հանրապետական երկրաբանական ֆոնդ» ՊՈԱԿ-ի տնօրենին – ապահովել ֆոնդային փաստաթղթերում սույն հրամանից բխող համապատասխան գրառումների կատարումը՝ Ընդերքի գործակալության կողմից փաստաթղթերի փաթեթի ստացումից ետոյա ժամկետում:

5. Սույն հրամանն ուժի մեջ է մտնում ստորագրման պահից և կարող է բողոքարկվել վարչական կամ դատական կարգով՝ ուժի մեջ մտնելու օրվանից 2 ամսվա ընթացքում:

6. Սույն հրամանի կատարման հսկողությունը վերապահել՝ ՀՀ Էներգետիկ ենթակառուցվածքների և բնական պաշարների նախարարության աշխատակազմի ղեկավարին:



ԱՇՈՏ ՄԱՆՈՒԿՅԱՆ